



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitvlaria Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

CXIX. Karoli III. Imperatoris praeceptum pro Ecclesia Gerundensi.

urn:nbn:de:hbz:466:1-22974

tatem de ipsas peticas contra ipsum puteum à partibus Circi, & Stremirus Archipresbyter similiter alia medietate contra villa Vliano à partibus meridie. Et tunc convenit inter prædicto Episcopo & jamdicto Andrea ut unusquisque teneat & possideat usque ad ipsas pettas fectas per illorum villas divisione judicent atque defendant & securi possideant quilibet in perpetuum quieto ordine. Tunc apertum fuit ut unusquisque haberet exinde notitiam de ipsas res supradictas firmatas atque roboratas sicut & est, & gaudeat se unusquisque in nostro mallo suam percepisse iustitiam. Data notitia sub die decimosexto Kalendas Iunii anno tertio quod obiit Ludovicus Rex.

CXIX.

Karoli III. Imperatoris præceptum pro Ecclesiâ Gerundensi.

An. 887.
Ex eodem
chartulario.

IN nomine Domini Dei æterni & salvatoris nostri Iesu Christi. Karolus divina propitiante clementia Imperator Augustus. Si erga loca divinis cultibus mancipata Deoque in eisdem famulantibus beneficia opportuna largimur, præmium remunerationis æternæ ob id nobis rependi non diffidimus, quin etiam ad diuturnum felicemque regni nostri idipsum stabilitatem pertinere nullatenus dubitamus. Igitur notum fit omnibus sanctæ Dei Ecclesiæ fidelibus & nostris præsentibus scilicet & futuris quia venerabilis Theotarius Gerundensis Episcopus ad nostram accedens clementiam deprecatus est imperialem celsitudinem nostram quatenus ipsam Ecclesiâ & sedem Gerundensem sub immunitatis nostræ tuitione susciperemus, sicut Karolum Imperatorem suumque filium Ludovicum antecessorem nostrum constat fecisse. Cujus precibus libenter adquiescentes præcipiendo jubemus ut nullus iudex publicus vel quislibet ex judiciaria potestate in Ecclesiâ, aut loca, vel agros, seu reliquas possessiones quas moderno tempore in quibuslibet pagis vel territoris infractionem regni nostri iustè vel legaliter memorata tener atque possidet Ecclesiâ, vel ea quæ deinceps à catholicis vitiis divina pietas in iurè ipsius Ecclesiæ voluerit augeri, ad causas audiendas, aut freda vel tributa exigenda, aut mansiones vel paratas faciendas, aut fideiussores tollendos, aut homines ipsius Episcopi vel Ecclesiæ tam ingenios quam servos vel francos super terram ipsius commanentes vel iustè vel iniustè distringendos, nec ulla redhibitiones aut illicitas occasiones requirendas nostris videlicet vel futuris temporibus ingredi audeat, seu etiam ea quæ superius memorata sunt penitus exigere præsumat, sed liceat memorato Præsuli suisque successoribus res prædictæ Ecclesiæ cum omnibus sibi subjectis sub immunitatis nostræ defensione quieto ordine possidere & nobis fideliter deservire. Concedimus etiam eidem venerabili Episcopo suæque Ecclesiæ & per hoc præceptum nostræ auctoritatis confirmamus villam quæ vocatur Olianus & aliam villam quæ vocatur Cacavianus, & castellum Velloso cum castellarum suo, & in comitatu Empuritanense vel in

Gerundense cellam sancti Clementis, & cum Petra alta, cum vineis & silvis & cum omnibus terminis suis atque arcas suas, & villam Parietes Rufini, atque castellum fractum, & medietatem de villa Molleti, & villam Fontedictus, & villam sanctæ Mariæ quam vocant Fontaneti, & palatium Muroris cum omnibus villaribus, & villam Carciano cum suis villaribus, & illum plantatium Gondemari Episcopi, & vineas veteras quas Castellanus Presbyter & parentes sui & alij ceteri homines traxer de heremo, & villarem Faram cum aliis villaribus ubi Adalardus Presbyter manet cum terminis suis. Largitur etiam nostra clementia ad supradictam sedem sanctæ Mariæ vel sancti Felicis martyris Christi pro remedio anime nostræ vel prædecessorum parentumque nostrorum in supradicto comitatu Gerundense villam quæ vocatur Elzeda cum omnibus adjacentis suis, hoc est, ab oriente per semitam quæ pergit usque ad ribam fractam, à meridie autem à cruce usque ad confines Arbutiæ, de parte occidentis usque ad Iohanneto, & de septentrione per rivulam quæ vocatur vallis urcea, & pervenit ad sanctam Columbam usque ad aliam ripam alvei, & aliam villulam in jamdicto comitatu quam vocant villam rabiosam cum terminis suis, & in comitatu Bisuldunense villam Crespiano & Miliaris & villam Baschara cum suis villaribus, necnon & archas ac villare quæ dicitur Spedulias, & aliud villare quod nominatur Abdrama, pariter cum aliis diversis villaribus quæ appellantur Terratellas & Cassaniolus, ac villare Acmiton, & in comitatu Petralatense villam quæ dicitur Pharus. Et adhuc etiam celsitudo atque magnificentia nostra concedit jam supradictæ Ecclesiæ beatæ Mariæ virginis atque sancti Felicis martyris Christi pro amore Dei facinorumque nostrorum remissione in supradictis comitatibus, id est, Gerundensi, Bisuldunensi, Petralatensi, atque Impuritanensi, omnem medietatem de pascuaris & teloneis mercatorumque terræ & maris mercatibusque omnibus. Ipsî vero homines qui in supradictis villis habitant vel habitaturi sunt tale obsequium vel tale servitium supradicto Episcopo vel successoribus suis faciant vel serviant quale ad Comites nostros facere consueverunt tam Hispani quam ceteri, & nullum alium censum vel servitium ullo unquam tempore ingerere quis præsumat. Volumus etiam ut liceat memorato Episcopo suisque successoribus res supradictæ Ecclesiæ & à nobis ei collatas seu condonatas & alias quasunque sibi pertinentes quieto ordine possidere & nostro imperio fideliter parere & pro nobis conjugisque ac totius populi Christiani salute Domini misericordiam jugiter exorare. Et ut hæc auctoritas donationis atque confirmationis nostræ per curricula annorum inviolabilem atque inconvulsam in Dei nomine obineat firmitatem, manu propria subter eam firmavimus & anuli nostri impressione signari iussimus.

Signum Karoli piissimi Imperatoris.

Amalbertus Notarius ad vicem Leutardi recognovit & subscripsit.

Data Kalendis Novembris anno secundo imperante Karolo piissimo Imperatore in Gallis, Indictione sexta.

Actum Parisius urbe in Dei nomine feliciter.
Amen.

C X X.

*Ermengardis Comitissa Ceritanensis donatio
ad Olibam Comitem virum suum.*

An. 888.
Ex chartu-
lario mo-
nasterij A-
rulenſis.

IN nomine Domini. Ego Ermengardis Comitissa donator sum tibi viro meo Oliba gratia Dei Comes. Manifestum est enim quia placuit in animis meis & placet, nullius cogentis imperio nec suadentis ingenio, sed propria exoptata mea elegeri cum Deo ut tibi supraſcripto viro meo donationem fecissem de aliquo de proprietate mea, sicuti & facio. Dono namque tibi alaudem meum vocitatum nomine Cultiua, qui est in pago Helenense, in comitato Valle Alperi, cum ipsa Ecclesia sancta Maria qui ibidem est, cum decimis & primiciis suis & oblationes fidelium, cum suo cimiterio, & cum ipsas domos qui sunt circa ipsam Ecclesiam, cum illarum exiis & regressios earum. Et dono tibi ipsam meum alaudem qui est in pago Helenense, in comitatu Valle Alperi. Et est jandictus alaudes casas, casalibus, curtis, curtalibus, terris, vineis, pratis, pascuis, hortis, hortibus, molendinis, cum illorum caput aquis, silvis, garricis, aquis, aquarumve ductibus vel reductibus, arboribus fructuosus vel infructuosus, cum exiis & regressios earum. Et afrontat ipse alaudes de parte orientis in terminio de ipsos hortos vel de Mazaned, de meridie in in Villa Rubia, de occiduo in terminio de Serralonga vel in Montenegro, de Circi in terminio de ipso Frexano vel in gurgio Muio. Quantum infra istas afrontationes includunt, sic dono tibi jandictos alaudes cum ipsa Ecclesia ab integre, ut quicquid exinde facere vel judicare volueris, liberam in Dei nomine habeas potestatem. Quod si ego donatrix aut ullusque homo qui contra hanc donationem venerit ad irumpendum, non hoc valeat vindicare, sed componat omnia superius scripta in duplo cum omni sua immelioratione, & inantea ista donatio firma permaneat omnique tempore. Facta donatione xvi. Kal. Mart. anno primo regnante Hugone Rege. Signum Ermengardis Comitissa qua hanc istam donationem fecit & testes firmare rogavit. S. Vvifredus. S. Seniofredus. S. Adalbertus. Paschlamirus Presbyter qui hanc istam donationem scripsit sub die & anno quo supra.

C X X I.

*Odonis Rex Francorum praeceptum pro
monasterio Solemniacensi.*

An. 888.
Ex schedis
V. C. Jacobi
Sizmon-
di.

IN nomine Dei summi & aeterni Regis. Odo gratia Dei Rex. Quandocumque servorum Dei nostrorumque fidelium iustis & rationabilibus efflagitationibus aurem celsitudinis nostrae assensum praebentes accommodamus, regiae majestatis consuetudinem studemus, ac per hoc praemia aeternae felicitatis facilius nos adepturos nul-

latus dubitamus. Idcirco notum sit omnibus sanctae Dei Ecclesiae fidelibus & nostris praesentibus sive futuris quia venerabilis vir Teodericus Abba ex monasterio Solemniaco olim constructo ab Elegio Noviomagenſi Episcopo tempore Dagoberti gloriosissimi Regis Francorum, posito super fluviolo Brivancia, quod jandictus Pontifex in honore sanctae Dei genitricis Mariae sanctique Petri atque omnium Apostolorum, Dionysij sociorumque ejus, atque Pancratij, Crispini & Crispiniani, & sanctorum confessorum Hilarij, Martini, atque Medardi, ad nostram accedens reverenter clementiam deprecatus est ut idem monasterium cum omnibus hominibus & villis vel rebus sibi iuste legaliterque pertinentibus, simul etiam cum his quae divina pietas per suos quosque fideles eidem monasterio augere voluerit, sub nostrae immunitatis tuitione ac defensionis praetextu recipere dignaremur. Cujus precibus clementi favore annuimus. Quin etiam hoc magnitudinis nostrae praecipuum speciali conditione fieri iussimus; per quod praefatum monasterium, veluti praemissum est, cum omnibus rebus sibi pertinentibus sub nostrae immunitatis tuitione suscepisse universis fidelibus nostris notum esse volumus; praecipientesque jubemus ut nulli liceat fidelium Dei atque nostrorum praesentibus vel futuris temporibus idem intrare monasterium vel in quamlibet sibi pertinentem villam aut agros seu silvas ad causas audiendas, aut judicia publica terminanda, aut paratas faciendas vel exigendas, aut mansionaticos vel paraveredos vel ullam quamlibet redhibitionem exigendam. Sed quicquid ex monasterij rebus exigi potest, Abbatibus & monachis in eodem loco Deo servientibus proficiat in stipendiorum augmentis. Statuimus in terea ut habeant monachi in eodem loco Domino famulantes secundum patris Benedicti regulae institutionem omni tempore ex se ipsis eligendi Abbatem, ac nulli liceat aliquando ex rebus ejusdem Ecclesiae quicquam illis subtrahere vel minere, aut homines sibi pertinentes vel super terram ipsius commanentes inquietare, dilstringere, aut fidejussores tollere. Sed omni tempore rectoribus & monachis frequenter dicti monasterij quicquid ex eis esse potest proſit in erogationem, & animae nostrae proficiat ad liberationem. Haec namque si quis nostrae bonae voluntatis sancta delere conatus fuerit, tali cum Dominus feriat ultione quatinus nullo modo suam vindicet voluntatem, qui hanc nostram infringere voluerit auctoritatem. Ut autem haec nostrae munificentiae auctoritas omni tempore inviolabilis & a nobis ac successoribus nostris observetur, manu nostra eam subter firmavimus, & de anulo nostro sigillari fecimus.

Signum Odonis gloriosissimi Regis.
Trohannus Notarius ad vicem Eblonis recognovit.

Data Idus Junias anno incarnationis Domini M C C C L X X V I I I. Indictione VI. anno secundo regnante Domino Odone Rege glorioso.

Actum monasterio sancti Maximini in Dei nomine feliciter. Amen.

